



BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM
Komisija za ostvarivanje
jednakosti spolova u BiH
Broj: 01/8-011-303/01
Sarajevo, 31.5.2001 god.

Z A P I S N I K

4. sjednice Komisije za ostvarivanje jednakosti spolova u BiH Predstavničkog doma Parlamentarne skupštine Bosne i Hercegovine, održane 31.maja 2001.godine

Sjednica je počela u 11 sati.

Sjednicom je predsjedavala Violeta Kamberović, predsjedavajući Komisije.

Sjednici su prisustvovali: dr. Mediha Filipović, Bahrija Osmanović, Hilmo Neimarlija i Abdurahman Malkić.

Za sjednicu opravdao prisustvo Dušan Stokić.

Sjednici nisu prisustvovali Mirko Baković i Momir Tošić.

Za sjednicu je predložen i usvojen sljedeći

D N E V N I R E D

1. Usvajanje Zapisnika sa 3. sjednice Komisije
2. Primjedbe upućene od strane Stranke žena BiH na član 4.19.stav 4. Nacrta izbornog zakona BiH
3. Prijedlog Udruženja "Budućnost" iz Modriče za izmjenu člana 4.19. stav 4. Nacrta izbornog zakona BiH
4. Informacija sa Konferencije održane od 6 - 8 aprila 2001. u organizaciji OSCE-a na temu "Strateški koraci ka jednakosti spolova"
5. Tekuća pitanja.

Ad-1.

Zapisnik sa 3. sjednice Komisije za ostvarivanje jednakosti spolova u BiH usvojen je bez primjedbi.

Ad-2 i Ad-3

Primjedbe i Amandmani upućene od strane Stranke žena BiH i Udruženja "Budućnost" iz Modriče na član 4.19.stav 4. Nacrta izbornog zakona BiH

Predsjedavajući Komisije je napomenula da se o navedenoj tački dnevnog reda raspravlja ponovu na temelju Zaključka Komisije sa 3. sjednice.

Članovi Komisije su se saglasili da se tačka 3. Dnevnog reda pripoji tački 2. obzirom da se radi o istoj materiji odnosno prijedlogu.

U raspravi su učestvovali: Bahrija Osmanović, dr.Mediha Filipović, Hilmo Neimarlija i Abdurahman Malkić.

Nakon obavljene rasprave po ovim tačkama dnevnog reda za izmjene člana 4.19. stav 4. Nacrta izbornog zakona BiH predlagača Vijeća ministara BiH, konstatirano je da je u sadašnjem tekstu navedenog člana predviđeno veće učešće kandidata na izbornim listama ženskog spola, radi čega nema potrebe za podnošenjem Amandmana na cijeli tekst stav 4. član 4.19.

Zaključeno je da Komisija na Nacrt izbornog zakona BiH predlagača Vijeća ministara BiH na osnovu člana 86.1. Poslovnika Predstavničkog doma predloži:

Amandman I

U članu 1.6. stav 1. **Poglavlja I** iza riječi "kandidat" u zagradi dodati riječi: ("pojam kandidat u smislu ovog zakona i u skladu da odredbama ovog zakona odnosi se na osobe oba spola").

Obrazloženje

Predloženi Amandman bi otklonio eventualne nesporazume kod tumačenja da se riječ "kandidat" ne odnosi isključivo na osobu muškog spola.

Amandman II

U članu 4.19. stav 4. **Poglavlja IV** riječi "Svaka lista kandidata uključuje kandidate muškog i ženskog spola"., **se briše.**

Obrazloženja

S obzirom na predloženi Amandman I navedene riječi su suvišne.

Ad-4

Informacija sa Konferencije održane od 6 - 8 aprila 2001. u organizaciji OSCE-a na temu "Strateški koraci ka jednakosti spolova"

Predsjedavajući Komisije je informisala prisutne o učešću na navedenom skupu i donesenim zaključcima sa skupa, i da je tekst navedene Informacije dostavljen svim članovima Komisije.

Ad-5

Tekuća pitanja

Po ovoj tački dnevnog reda dogovoreno je o sljedećem:

1. Realizovati Zaključak sa 2. sjednice Komisije upućivanjem dopisa Vijeću Evrope u cilju dostavljanja Konvencija i zakonskih propisa koji regulišu ostvarivanje određenih prava između spolova. (realizovano 31.5.2001.)

2. Shodno zauzetom stavu na 3. sjednici Komisije da se u nazivu Komisije riječ "jednakost" zamijeni rječju "jednakopravnost" iz razloga što je u dosadašnjoj formulaciji načinjena najvjerovatnije greška u jezičkim varijantama prijevoda, kao i da se u svim ostalim aktima i odredbama Poslovnika, na osnovu člana 138. Poslovnika Predstavničkog doma predloži Domu da na osnovu člana 137. Poslovnika riječ "jednakost" u članu 35. h) i članu 43. Poslovnika zamijeni rječju "jednakopravnost" odnosno "ravnopravnost" u različitim padežima. Takođe u Nacrtu Orijentacionog planu rada Vijeća ministara Bosne i Hercegovine za 2001.godinu predviđeno je donošenje Zakona o jednakopravnosti/ravnopravnosti spolova u Bosni i Hercegovini.


3. Predsjedavajući Komisije je informisala prisutne o 2. Konferenciji žena parlamentaraca jugoistočne Evrope održane 18. maja 2001. u Ljubljani; o Konferenciji žena odbornica-viječnica, oba entiteta održanoj 5. maja 2001. u Dvorovima kod Bijeljine; kao i tome da je u toku izrada teksta Zakona o jednakopravnosti spolova u BiH od strane Ministarstva za Evropske integracije.

4. Inicirana je izrada Plana rada Komisije za 2001. godinu koga je moguće sačiniti po usvajanju Radnog plana Predstavničkog doma za 2001. čije je usvajanje predviđeno na sjednici Kolegija Doma u proširenom sastavu zakazanoj za 6. ljuni 2001. godine.

5. Dogovoreno je da se 5. juna 2001. godine u 16 sati u sali 2/II zgrade institucija BiH organizira susret sa četvoročlanom delegacijom Helsinškog parlamenta građana sa članovima Komisije u sastavu: Violeta Kamberović, dr. Mediha Filipović, Bahrija Osmanović i Abdurahman Malkić.

Sjednica je završila u 12,30.

Zapisnik sačinila
Emira Češljarić



Predsjedavajući Komisije
Violeta Kamberović

